

БОСНА И ХЕРЦЕГОВИНА  
РЕПУБЛИКА СРПСКА  
ВИСОКА ПОСЛОВНО ТЕХНИЧКА ШКОЛА  
**ДОБОЈ**



BOSNIA AND HERZEGOVINA  
REPUBLIC OF SRPSKA  
VISOKA POSLOVNO TEHNIČKA ŠKOLA  
**DOBOJ**

Висока пословно техничка школа, ул.Озренских српских бригада 5А, 74000 Добој, Република Српска, Босна и Херцеговина  
Tel: +387 53 208 600, +387 53 208 601, +387 53 208 602, Fax: +387 53 208 600,  
e-mail: info@vpts-doboj.info www.vpts-doboj.info

Broj: 021-2-1 /16

Datum: 26.02.2016. godine

Na osnovu člana 62. stav 1. tačka k. Zakona o visokom obrazovanju („Sl. Glasnik Republike Srpske” br. 73/10, 104/11, 84/12 i 108/13 ), člana 26. Statuta VPTŠ Doboj, Upravni odbor VPTŠ Doboj je na sjednici održanoj dana 26.02.2016. godine donio sljedeći :

**PRAVILNIK**  
**o uslovima i postupku dodjele novčanih sredstava iz Fonda za podršku**  
**naučnoistraživačkog, stručnog, umjetničkog rada i usavršavanja na Visokoj**  
**poslovno tehničkoj školi Doboj**

**Član 1.**

Ovim Pravilnikom se uređuju uslovi i postupci za osvarivanje prava na materijalnu podršku koju dodjeljuje Fond za podršku naučnoistraživačkog, stručnog, umjetničkog rada i usavršavanja na Visokoj poslovno tehničkoj školi Doboj (u daljem tekstu: Fond) u cilju ostvarivanja svoje svrhe.

**Član 2.**

Svrha Fonda je:

1. podsticanje i finansijska podrška naučnoistraživačkog, stručnog i umjetničkog rada na Visokoj poslovno tehničkoj školi Doboj (u daljem tekstu: Škola),
2. finansiranje ili sufinansiranje usavršavanja nastavnika, saradnika i drugih uposlenika Škole.

**Član 3.**

Sredstva Fonda za radove navedene u tački 1. prethodnog člana se dodjeljuju po provedenoj konkursnoj proceduri.

Pravo učešća na konkursu za dodjelu materijalnih sredstava iz Fonda imaju: nastavnici, saradnici i administrativno osoblje radno angažovano na Školi te redovni studenti Škole.

#### **Član 4.**

Sredstva Fonda za usavršavanje navedeno u članu 2. tačka 2. ovog Pravilnika se dodjeljuju na lični zahtjev pojedinca a u skladu sa procedurama koje su regulisane Pravilnikom o usavršavanju nastavnika, saradnika i drugih uposlenika Škole.

#### **Član 5.**

Novčana sredstva iz Fonda se mogu dodjeljivati isključivo za ostvarivanje svrhe Fonda i to kao:

1. Novčane nagrade za podršku naučno- istraživačkim radovima, projektima, umjetničkim ostvarenjima i drugim oblicima stvaralaštva na Školi;
2. Novčanu nagradu za izuzetan uspjeh u predstavljanju Škole, javnom nastupu ili djelovanju (likovna, muzička, sportska grupa, udruženja studenata i slično),
3. Novčana sredstva za finansiranje ili sufinansiranje naučnog i stručnog usavršavanja nastavnika i saradika i drugih uposlenika Škole u drugim ustanovama, njihovog učešća na stručnim i naučnim skupovima i finansiranje ili sufinansiranje troškova objave stručnih ili naučnih radova u domaćim ili međunarodnim časopisima, zbornicima i dr..

#### **Član 6.**

Na konkurs za dodjelu nagrada iz sredstava Fonda kandidati mogu prijaviti rad ili projekat naučnog ili stručnog sadržaja odnosno umjetničko ostvarenje jednog ili više autora.  
O dodjeli nagrada vodi se posebna evidencija sa svim potrebnim podacima.

#### **Član 7.**

Dodjela nagrada iz sredstava Fonda se može odobriti samo ako prijavljeni kandidati zadovolje opšte uslove tražene u konkursu za dodjelu nagrada, a njihov rad, projekat ili umjetničko djelo, nakon procedure vrednovanja zadovolji postavljene kriterije.

Prilikom procjene, koju vrši Odbor Fonda, vrednovanje će biti po sljedećim kriterijima:

- Originalnost i inovativnost rada, projekta ili umjetničkog ostvarenja;
- Značaj rada, projekta ili umjetničkog ostvarenja u unapređenju i rezumijevanju područja istraživanja/ struke, te unapređenju kulture i umjetničkog stvaralaštva;
- Relevantnost i kompatibilnost teme koja se obrađuje u radu, projektu ili umjetničkom ostvarenju;
- Nivo postignutih rezultata ( trajanje istraživanja, samostalnost, uloženi istraživački napor u postizanju rezultata).

#### **Član 8.**

Novčana sredstva se dodjeljuju putem javnog konkursa, koji se raspisuje na osnovu odluke direktora, u pravilu jednom godišnje.

Tekst konkursa za dodjelu sredstava mora obavezno sadržavati sljedeće podatke:

- Namjena za koju se dodjeljuju sredstva;
- Broj pojedinačnih i grupnih nagrada sa tačno naznačenim neto iznosom nagrada;

- Opšti uslovi i kriteriji za vrednovanje za dodjelu nagrade;
- Način prijave;
- Rok za podnošenje prijava;
- Način i rok za saopštavanje odabira nagrađenih.

### **Član 9.**

Konkurs se objavljuje na web stranici Škole.

### **Član 10.**

Prijava za učešće na konkursu dostavlja se poštom ili lično u prostorije Škole u Doboju i obavezno sadrži sljedeći dokumentaciju:

- Popunjen obrazac za prijavu,
- jedan primjerak rada, projekta ili umjetničkog ostvarenja u elektronskoj verziji (na odgovarajućem mediju) i jedan odštampan primjerak.
- Biografiju
- Fotokopiju lične karte (za strane državljane- fotokopiju pasoša).

### **Član 11.**

Odabir radova, projekata ili umjetničkih ostvarenja za dodjelu nagrada vrši Odbor Fonda.

Odbor Fonda čine:

- Predsjednik Upravnog odbora Škole,
- direktor Škole,
- Sekretar Škole,
- Predsjednik Studentskog parlamenta.

Odbor utvrđuje konačan iznos Fonda za pojedinačne i grupne nagrade prije objavljivanja konkursa.

Nakon isteka roka za podnošenje prijava na konkurs, zadužena Služba Škole dostavlja Odboru Fonda prijave koje zadovoljavaju uslove konkursa i to pod šiframa bez imena i prezimena kandidata. Odbor vrši ocjenu dostavljenih prijava i utvrđuje konačnu listu dobitnika nagrada sa novčanim iznosima.

Radom Odbora Fonda predsjedava direktor Škole.

O toku sjednice vodi se zapisnik.

### **Član 12.**

Na osnovu prijedloga Odbora direktor donosi odluku o nagrađenim kandidatima u roku od 60 dana od dana zaključivanja konkursa.

Odluka direktora je konačna i obavezujuća.

### **Član 13.**

Lista dobitnika nagrada objavljuje se na web stranici Škole.

Nagrada koja se dodjeljuje sastoji se od pisanog priznanja i novčanog iznosa.

Sadržaj i oblik pisanog priznanja utvrđuje direktor Škole.

U slučaju grupne nagrade, svakom od autora rada se dodjeljuje pisano priznanje a novčani dio se dijeli na jednake dijelove svim autorima rada.

#### **Član 14.**

Direktor može svake akademske godine dodijeliti posebne nagrade nastavnicima, saradnicima i drugim radnicima Škole kao i studentima ili grupi studenata za izuzetan uspjeh u predstavljanju Škole, javnom nastupu ili djelovanju (likovna, muzička, sportska ekipa, udruženja studenata i slično).

#### **Član 15.**

Nagrade uručuje direktor Škole na prigodnoj svečanosti.

U slučaju spriječenosti ili odsustva nagrađenih, nagrada se uručuje naknadno.

#### **Član 16.**

U slučaju da neko pitanje nije riješeno ovim Pravilnikom na odgovarajući način primjenjivati će se odredbe Statuta Škole, Zakona o visokom obrazovanju Republike Srpske, kao i druga akta Ministarstva prosvjete i kulture RS koja se odnose na dodjelu sredstava za projekte, stipendije i nagrade.

#### **Član 17.**

Ovaj Pravilnik stupa na snagu danom donošenja.

**PREDSJEDNIK  
UPRAVNOG ODBORA**

Dr Željko Todorović